

Zeitschrift: L'ami du patois : trimestriel romand
Band: 32 (2005)
Heft: 131

Artikel: Le chindolè
Autor: Michel, J.
DOI: <https://doi.org/10.5169/seals-244851>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 14.03.2025

ETH-Bibliothek Zürich, E-Periodica, <https://www.e-periodica.ch>

Le chindolè

Pê J. Michel

L'é konyu ÿ a on pâr' dè j'an
On tsemenè, piti chindolè.
Din la dzà, dèje le Tsathalè,
I chè fôfelâvè to dè gran.

Kemin irè pyéjin dè le chiêdre !
I zigzagâvè dè tsatyè pâ,
De ché, de lé, chin pir' ch'arèthâ.
On richkâvè bin dè li chè pèdre.

Doulon dè li, chè ruvè garnyè
No mothrâvan ouna mache dè hyà,
Di j'èrâbyo tsanpithro, dou chyà,
Totè chouârtè dè j'êrbè hyoryè.

On vèyè dou tiyo chèrvâdzo,
Kotyè krechyon, dou bourdzinti.
On chè cheré de, din le kurti
D'on gran è retso pèrchenâdzo.

O ! faji bon, in pyin mi dè mé,
Chè dzubyâ innan chi chindolè,
Gugâ, a liji, tré to cholè !
Elâ ! ora n'ègjichtè pâ mé...!

L'an to chinpyamin fi a muri.
Ma mè, bin chur, dyèmé l'àbyèri.
Ch'irè galé ! Grantin li moujèri,
Ach'bin le tsôtin tyè le furi.